



Llywodraeth Cymru
Welsh Government

Llywodraeth Cymru

Rhaglen Grant Cyfalaf Trawsnewid 2024/25
Nodiadau Cyfarwyddyd ar
Gais a Chynllun Prosiect Cam 2

Cynnwys

Cyflwyniad	2
1. Y broses ymgeisio	2
2. Yr hyn y byddwn yn ei gyllido	3
3. Y broses asesu	4
4. Cwblhau cynllun y prosiect	6

Cyflwyniad

Mae ein hamgueddfeydd, archifau a llyfrgelloedd lleol yn darparu gwasanaethau a chymorth hanfodol i gymunedau ledled Cymru. Hefyd, maent ar gael fel ffynonellau gwybodaeth, addysg a mwynhad i'r bobl sy'n ymweld â hwy.

Mae moderneiddio cyfleusterau i wella mynediad, sicrhau cydweithio rhwng gwasanaethau ac adnewyddu'r cynnig i ddefnyddwyr yn hanfodol er mwyn cynnal a gwella'r gwasanaethau a ddarperir. Mae Llywodraeth Cymru'n cydnabod hyn, ac mae'n cefnogi'r gwaith datblygu trwy ei rhaglen cyllid cyfalaf.

Is-adran Diwylliant Llywodraeth Cymru sy'n rheoli'r Rhaglen Cyfalaf Trawsnewid, sy'n galluogi'r cyrff llwyddiannus i drawsnewid gwasanaethau er mwyn:

- datblygu model mwy cynaliadwy o ddarparu gwasanaethau
- gwella gwasanaethau i unigolion a chymunedau amrywiol
- gwella datblygiad casgliadau, gofal amdanynt neu fynediad iddynt
- cyflawni yn erbyn Rhaglen Lywodraethu Llywodraeth Cymru 2021-26 a blaenoriaethau strategol sefydliadol.
- cynnal a datblygu ansawdd gwasanaethau yn unol â chynlluniau safonol y sector.

1. Y broses ymgeisio

Rhaid i geisiadau Cam 2 fod yn gyson â'r cynnig a nodwyd yn y Datganiad o Ddiddordeb a gymeradwywyd. Dim ond ceisiadau a wahoddwyd i fynd o'r cam Datgan Diddordeb i Gam 2 (cais llawn) fydd yn cael eu derbyn.

Nid yw Datganiad o Ddiddordeb llwyddiannus yn gwarantu llwyddiant na chyllid yng Ngham 2.

Mae'r amserlen ar gyfer cynllun grant 2024/25 fel a ganlyn:

Amserlen	Dyddiadau
Y cyfnod ymgeisio yn agor	28 Gorffennaf 2023
Gweminar cyngor a chymorth – 1	14 Awst 2023
Gweminar cyngor a chymorth – 2	30 Awst 2023
Gweminar cyngor a chymorth – 3	7 Medi 2023
Cyflwyno Datganiadau o Ddiddordeb	Erbyn 5pm 22 Medi 2023
Cyhoeddi penderfyniadau Cam 1	Yr wythnos yn dechrau 6 Tachwedd Hydref 2023
Cyflwyno Ceisiadau Cam 2	Erbyn 5pm 26 Ionawr 2024
Cyhoeddi penderfyniadau Cam 2	Ar neu cyn 29 Mawrth 2024.

Yng Ngham 2 rhaid i geisiadau llawn gael eu cyflwyno ar y Ffurflen Gais a ddarperir.

Bydd y wybodaeth a roddir mewn cais Cam 2 yn dibynnu ar natur a maint y prosiect a'i fath, a'r gweithgareddau neu fuddsoddiad a gynigir. Dylai pob prosiect esbonio sut y bydd yn ymgysylltu ac yn ymgynghori â'r gymuned, strategaethau cyfathrebu a threfniadau gwerthuso, gyda thystiolaeth ddogfennol lle bo'n berthnasol.

Gellir cyflwyno nifer o wahanol ddogfennau a ffynonellau gwybodaeth i gefnogi'r cais Cam 2 **lle bônt yn berthnasol i'r prosiect**. Gallai dogfennau o'r fath gynnwys y canlynol, ond nid ydynt yn gyfyngedig iddynt:

- cynlluniau busnes;
- dogfennau technegol megis dyluniad a manyleb ar gyfer adeiladau;
- caniatadau cynllunio, cymeradwyaethau rheoliadau adeiladu, cymeradwyaethau defnyddio eiddo;
- asesiad o'r effaith ar gydraddoldeb;
- asesiadau o'r effaith amgylcheddol;
- astudiaethau dichonoldeb;
- tystiolaeth o ymarferiadau tendro cystadleuol am nwyddau neu wasanaethau;
- tystiolaeth o ymarferiadau caffael / cymariaethau cost eraill;
- adroddiadau ar ymgysylltu / ymgynghori â'r gymuned;
- strategaethau cyfathrebu; a
- manylion profiad / arbenigedd staff allweddol cyflawni'r prosiect.

Dylech ddarllen y Nodiadau Cyfarwyddyd hyn yn ofalus cyn llenwi'r ffurflen.

Hefyd neilltuwyd ichi gynghorydd penodedig yn yr Is-adran Diwylliant a Chwaraeon

Mae'n hanfodol eich bod yn cysylltu ag e/hi am ragor o gyngor a chyfarwyddyd.

Rhaid llenwi pob adran o'r Ffurflen Gais. **Byddwn yn gwrthod ffurflenni anghyflawn. Byddwn yn gwrthod hefyd ceisiadau Cam 2 na fydd yn cynnwys yr isafswm o 10% o ariannu cyfatebol sydd ei angen i fod yn gymwys am y cynllun hwn.**

Sicrhewch fod y wybodaeth a ddarperir gennych mor gywir â phosibl. Os byddwch yn llwyddiannus, bydd y wybodaeth a ddarperir yn sail i'n llythyr dyfarnu grant sy'n gytundeb cyfreithiol rwymol.

Rhaid ichi lenwi'ch cais Cam 2 a'i gyflwyno i diwylliant@llyw.cymru erbyn 5pm 26 Ionawr 2024. Ni fyddwn yn derbyn ceisiadau ar ôl y dyddiad hwnnw.

2. Yr hyn y byddwn yn ei gyllido

Mae'r cyllid o dan y rhaglen hon ar gyfer costau cyfalaf yn unig. Mae gwariant cymwys yn cynnwys gwaith adeiladu a pheirianyddol, ffioedd proffesiynol, a ffitiadau / offer ychwanegol sy'n hanfodol i'r gwaith datblygu ehangach. Hefyd, caiff gwasanaethau wneud cais am gyllid ar gyfer seilwaith digidol sydd wedi'i fwriadu i alluogi

gwasanaethau i ddiwallu anghenion casgliadau o ran cadwraeth ddigidol. Os oes gennych unrhyw ymholiadau ynghylch cymhwysedd elfennau o'ch prosiect, rhaid i chi gysylltu â'ch cynghorydd a enwir o fewn yr Is-adran Diwylliant.

Caiff ymgeiswyr ofyn am hyd at 10% o'r dyfarniad grant i gynorthwyo â chostau penodol staff rheoli prosiect. I gyrff yn y Trydydd Sector rydym yn cydnabod egwyddor Adennill Costau Llawn wrth gyflawni'r prosiect; fodd bynnag, dylai'r costau fod yn gymesur â'r grant y gofynnir amdano ac y manylir arno yn y cais

Caiff ymgeiswyr ond gofyn am arian am hyd at 2 flynedd ariannol, hynny yn unol â'r hyn a ddisgrifir yn y cam Datgan Diddordeb. Rhaid bod yn glir yng nghynllun y prosiect pam mae cyllid am 2 flynedd yn hanfodol a faint o arian sydd ei angen bob blwyddyn.

Gellir gweld rhagor o fanylion am egwyddorion Adennill Costau Llawn a chanllawiau ar fodelau priodol ar gyfer cyfrifo cyfraniad teg at orbenion yma:

[Adennill Costau Llawn - Cefnogi Trydydd Sector Cymru](#)

Dyfernir yr holl gymorth yn unol ag ymrwymadau rheoli cymhorthdal y DU, bydd ceisiadau'n cael eu hystyried fesul achos am y potensial ar gyfer cymhorthdal anghydnaws.

3. Y broses asesu

Caiff cymhwysedd eich cais ei wirio cyn iddo fynd ymlaen i gael ei asesu'n llawn. Bydd y gwiriadau hyn yn ymdrin â'r canlynol:

- iechyd sefydliadol, gan gynnwys ffurflenni a chyfrifon blynyddol y Comisiwn Elusennau
- cymhwysedd y costau
- amserlenni'r prosiect
- gwybodaeth am y cyflenwyr, gan gynnwys dyfynbrisiau ysgrifenedig oddi wrth yr HOLL gyflenwyr
- cadarnhad bod unrhyw ganiatâd angenrheidiol (caniatâd cynllunio, caniatâd adeilad rhestredig, ac ati) ar waith, gyda thystiolaeth ddogfennol
- cadarnhad o arian cyfatebol, gwerth o leiaf 10% o gyfanswm cost y prosiect h.y. $\text{cyfanswm cost y prosiect} = 90\% \text{ o'r grant y gofynnwyd amdano} + 10\% \text{ arian cyfatebol}$.

Os bydd eich cais yn methu unrhyw un o'r gwiriadau hyn, bydd yn cael ei wrthod.

Mae'r Ffurflen Gais Cam 2 yn gofyn ichi gwblhau Cynllun Prosiect (adran 3 o'r ffurflen); mae hwn wedi'i seilio ar dempled safonol sydd â saith pennawd:

- Ffit Strategol / Sail Resymegol a Nod y prosiect
- Gweithgaredd Prosiect

- Rheoli'r Prosiect (gan gynnwys asesiad risg)
- Gwerth am Arian
- Cyllid a Chydymffurfiaeth
- Mesur Llwyddiant
- Cynaliadwyedd Hirdymor

Rhoddir disgrifiad o bob pennawd a'r dystiolaeth ofynnol yn adran 4 o'r Nodyn Cyfarwyddyd hwn.

Bydd y wybodaeth a roddir o dan bob un o'r penawdau hyn yn cael ei defnyddio yn y broses asesu fel y sail i benderfyniadau ynghylch dyfarnu cymorth grant i brosiectau cymwys.

Rhaid i fanylder yr atebion a roddir ym mhob adran fod yn briodol ac yn gymesur â chwmpas a maint y prosiect arfaethedig.

Mae'n bosibl y bydd lefel yr arian cyfatebol / cymorth mewn nwyddau hefyd yn cael ei chymryd i ystyriaeth wrth roi'r ceisiadau yn eu trefn derfynol, pan fo prosiectau wedi cael sgôr gyfartal fel arall ond na all pob prosiect gael ei gyllido o'r gronfa grant. Rhaid i ymgeiswyr ddarparu o leiaf 10% o gyfanswm cost y prosiect fel arian cyfatebol at y prosiect.

Bydd y wybodaeth a roddir yn cael ei hasesu yn erbyn y meini prawf sgorio canlynol:

Uchel
Mae'r ymgeisydd wedi darparu ymatebion trylwyr a manwl yn erbyn yr holl ofynion o ran tystiolaeth (5 pwynt)
Canolig
Mae'r ymgeisydd wedi darparu ymatebion boddhaol a manwl yn erbyn y rhan fwyaf o'r gofynion o ran tystiolaeth (3 phwynt)
Isel
Mae'r ymgeisydd wedi darparu ymatebion a allai fod yn anghyflawn neu'n annigonol yn erbyn un neu ragor o'r gofynion o ran tystiolaeth (1 pwynt)
Isaf
Mae'r ymgeisydd wedi darparu ymatebion anghyflawn neu annigonol yn erbyn un neu ragor o'r gofynion o ran tystiolaeth (0 pwyntiau)

Bydd Panel Asesu'n adolygu eich cais yn erbyn y gofynion o ran tystiolaeth fel y nodir yn adran 4 o'r cyfarwyddyd hwn.

Bydd y sgôr a roddir yn dibynnu ar ansawdd y wybodaeth a'r dystiolaeth a ddarperir ym mhob adran o Gynllun y Prosiect a'r dogfennau ategol cysylltiedig.

Rhoddir sgôr i'r prosiectau am bob elfen (wedi'u pwysoli fel y ganlyn), ac wedi'u

rhestru allan o sgôr uchaf posibl o 185.

- Ffit Strategol / Sail Resymegol a Nod y prosiect - sgôr / 25 (wedi'i bwysoli i 50 / trothwy ansawdd 30)
- Gweithgaredd Prosiect – sgôr / 20 (trothwy ansawdd 12)
- Rheoli'r Prosiect (gan gynnwys asesiad risg) – sgôr / 15 (wedi'i bwysoli i 30 / trothwy ansawdd 18)
- Gwerth am Arian – sgôr / 10 (wedi'i bwysoli i 20 / trothwy ansawdd 12)
- Cyllid a Chydymffurfiaeth - sgôr / 15 (trothwy ansawdd 9)
- Mesur Llwyddiant - sgôr / 10 (wedi'i bwysoli i 20 / trothwy ansawdd 12)
- Cynaliadwyedd Hirdymor - sgôr / 10 (wedi'i bwysoli i 30 / trothwy ansawdd 18)

Mae trothwy ansawdd Cynlluniau Prosiect yn cynrychioli sgôr **Ganolig** o dan bob un o'r saith pennawd. Os bydd cynllun y prosiect yn methu'r trothwy ansawdd hwn o dan un neu fwy o'r penawdau uchod, caiff y prosiect ei wrthod.

4. Cwblhau cynllun y prosiect

Mae'r cyfarwyddyd canlynol yn nodi'r hyn mae angen ichi ei roi yn adran 3 o'r cais.

Gofalwch fod yr wybodaeth y byddwch yn ei rhoi yn delio â phob un o'r meysydd a awgrymir yn y canllawiau ar gyfer pob pennawd isod.

Ffit Strategol (3.1) (500 eiriau ar y mwyaf) a Sail Resymegol a Nod y prosiect (3.1.1) (750 o eiriau ar y mwyaf)
<p>Mae angen ichi roi esboniad o'r canlynol:</p> <ul style="list-style-type: none">• <i>Pam mae angen y prosiect</i><ul style="list-style-type: none">○ Esboniwch sut y bydd eich prosiect yn helpu i gyflawni Rhaglen Lywodraethu Llywodraeth Cymru a blaenoriaethau strategol sefydliadol, yn enwedig mewn perthynas â sut y bydd y prosiect a'i weithgareddau'n cefnogi'r blaenoriaethau a nodwyd, yn hyrwyddo cydraddoldeb ac yn mynd i'r afael â'r argyfwng hinsawdd. Nodwch sut yr ydych yn bwriadu monitro effaith carbon eich cynnig.○ Esboniwch yr angen mae'ch prosiect yn ei ddiwallu, a sut y canfuwyd hwn gan gyfeirio at dystiolaeth benodol o'r angen.○ Esboniwch sut y bydd y prosiect yn cynorthwyo'ch cymuned, ac yn benodol unrhyw ardaloedd o amddifadedd cymdeithasol (sydd wedi'u cynnwys ym Mynegai Amddifadedd Lluosog Cymru○ Rhowch fanylion y gwaith ymgynghori / ymgysylltu â rhanddeiliaid sydd wedi digwydd neu sydd yn yr arfaeth mewn perthynas â'ch

prosiect.

- ***Amcanion y prosiect***

- Rhestrwch amcanion y prosiect – nid oes nifer benodol, dylech gynnwys cynifer neu gyn lleied ag sydd eu hangen.

Lle bo'n berthnasol, dylech amgáu copïau o ddogfennau perthnasol fel tystiolaeth ategol.

Gweithgaredd Prosiect (3.2) (band A – 1000 o eiriau ar y mwyaf / band B 1500 o eiriau ar y mwyaf)

Mae angen ichi roi esboniad o'r canlynol, gan ganolbwyntio'n bennaf ar elfennau eich prosiect a ariennir gan grant:

- ***Yr hyn yr ydych yn bwriadu ei wneud***

- Rhowch fanylion y gwaith strwythurol / adeiladu a fydd yn cael ei wneud fel rhan o'r prosiect, ac amgaewch gynlluniau.
- Rhowch fanylion gwelliannau i osodiadau a ffitiadau ac amgaewch unrhyw luniadau / cynlluniau.
- Rhowch fanylion gwelliannau arfaethedig i wasanaethau a gwelliannau i offer / cyfleusterau technolegol.
- Nodwch unrhyw welliannau i hygyrchedd.
- Nodwch fanylion y cysylltiad rhwng y prosiect a'i effeithiau carbon (amgylcheddol) cysylltiedig. Er mwyn mynd i'r afael â'r Argyfwng Hinsawdd a Natur a chefnogi'r nod Sero Net sy'n ganolog i'n Rhaglen Lywodraethu newydd (dolen uchod), mae angen i ni asesu'r cysylltiad rhwng ein buddsoddiadau arfaethedig mewn seilwaith a'u heffeithiau carbon (amgylcheddol) cysylltiedig.

- ***Sut yr ydych yn bwriadu ei wneud, a'r safonau y byddwch yn gweithio atyn nhw***

- Rhowch fanylion y ffordd y bydd y prosiect yn cael ei gyflawni, ac unrhyw gyngor arbenigol yr ydych wedi'i gael i lywio'ch cynlluniau.
- Nodwch safonau perthnasol, ac esboniwch sut y byddwch yn sicrhau y bydd eich prosiect yn eu cyrraedd ac y bydd o ansawdd da.

- ***Amserlen i gyflawni'ch prosiect***

- Beth ydych chi'n bwriadu ei wneud ac erbyn pryd? Nodwch gerrig milltir a dyddiadau targed gan ddefnyddio er enghraifft siart gantt.

Lle bo'n berthnasol, amgaewch gopïau o ddogfennau perthnasol fel tystiolaeth

ategol.

Rheoli'r prosiect (3.3) (750 o eiriau ar y mwyaf)

Mae angen ichi roi esboniad o'r canlynol:

- **Trefniadau rheoli'r prosiect**

- Esboniwch eich cynlluniau ar gyfer rheoli'r prosiect, gan roi sylw priodol i'r gweithgareddau sydd eu hangen, a'r capasiti sydd ar gael.
- Nodwch brofiad Rheolwr y Prosiect, y tîm rheoli a rolau'r staff allweddol a fydd yn ymwneud â'r gwaith o gyflawni'r prosiect.

- **Sgiliau ac adnoddau**

- Esboniwch sut y byddwch yn sicrhau bod y sgiliau gweithredol, technegol ac ariannol, a'r sgiliau o ran personél, i gyflawni'r prosiect yn llwyddiannus ar gael.
- Lle bo'n briodol, esboniwch unrhyw fuddsoddiad i wella sgiliau'r staff presennol i helpu i gyflawni'r prosiect yn llwyddiannus.
- Esboniwch sut y byddwch yn sicrhau bod yr adnoddau sydd eu hangen i gyflawni'r prosiect yn llwyddiannus ar gael.

- **Risg a rheoli risg**

- Gan ddefnyddio'r tabl a ddarperir, rhwch grynodedb o'r prif risgiau a allai effeithio ar y gwaith o gyflawni'r prosiect a'i ganlyniadau ac allbynnau.
- Dylid asesu tebygolrwydd y risg yn unol â'r raddfa ganlynol:
- UCHEL – Mae tebygolrwydd mawr y bydd y risg yn digwydd o dan yr amodau gweithredol presennol.
- CANOLIG – Mae tebygolrwydd cymedrol y bydd y risg yn digwydd ar sail profiad y gorffennol a chyd-destun y corff.
- ISEL – Mae tebygolrwydd bach y bydd hyn yn digwydd. Nid yw erioed neu bron erioed wedi digwydd o'r blaen.

Enghraifft:

Beth yw'r risg?	Beth yw'r tebygolrwydd	Beth fyddai'r canlyniadau pe bai'n digwydd?	Beth allai ei atal rhag digwydd neu sut gellid lleihau'r effaith?

	y bydd yn digwydd?		
Aelod o staff neu wirfoddolwr blaen y tî yn gadael	Canolig	Byddai'n rhaid i bobl sy'n gweithio ar y prosiect wneud ei waith gan arwain at lai o gapasiti i reoli'r prosiect hwn	Cynllun olyniaeth ar waith i lenwi swyddi gwag a / neu recriwtio rhagor o wirfoddolwyr cyn pen 2 fis ar ôl iddo adael. Grŵp wrth gefn o staff a / neu wirfoddolwyr yn cael eu briffio'n rheolaidd am y prosiect fel y gallant gamu i'r adwy os bydd swydd yn wag.
Lle bo'n berthnasol, amgaewch gopïau o ddogfennau perthnasol fel tystiolaeth ategol.			

Gwerth am arian (3.4) (500 o eiriau ar y mwyaf)
<p>Mae angen ichi roi esboniad o'r canlynol:</p> <ul style="list-style-type: none"> • <i>Gwariant arfaethedig</i> <ul style="list-style-type: none"> ○ Cynhwyswch grynodeb ariannol o'r prosiect yn y daenlen a ddarparwyd (Taflen waith 1 – Crynodeb) ○ Rhewch fanylion holl wariant arfaethedig elfennau'ch prosiect a ariennir gan grant, yn y daenlen a ddarperir – (Taflen waith 2 – Costau a Ariennir gan Grant) ○ Rhewch gostau amlinellol ar gyfer elfennau o'r prosiect llawn a ariennir o ffynonellau eraill (os yn berthnasol) yn y daenlen a ddarperir - (Taflen waith 3 – Costau Eraill y Prosiect). • <i>Penderfynu ar gostau</i> <ul style="list-style-type: none"> ○ Esboniwch sut yr amcangyfrifwyd y costau. ○ Dangoswch sut y penderfynwyd bod y costau'n rhesymol trwy gyfeirio at ymarferiadau dyfynbrisiau; costau safonol o weithgareddau blaenorol; ac ati. ○ Amgaewch gopïau o ddyfynbrisiau ysgrifenedig oddi wrth gyflenwyr gyda'r holl gostau wedi'u nodi. • <i>Gwerth am arian</i> <ul style="list-style-type: none"> ○ Lle bo'n briodol dangoswch sut mae opsiynau gwahanol o ran

cyflawni amcanion y prosiect wedi cael eu hystyried ac esboniwch sut a pham y dewiswyd yr opsiwn y penderfynwyd arno.

Dylai'r holl gostau fod heb TAW oni bai nad ydych yn gallu hawlio'r elfen hon yn ôl.

Bydd ceisiadau heb ddyfynbrisiau, neu sy'n anghyflawn mewn rhyw ffordd arall, yn cael eu gwrthod.

Lle bo'n berthnasol, amgaewch gopïau o ddogfennau perthnasol fel tystiolaeth ategol.

Cyllid a chydymffurfiaeth (3.5) (band A – 500 o eiriau ar y mwyaf / band B 750 o eiriau ar y mwyaf)

Mae angen ichi roi esboniad o'r canlynol:

- ***Cyfanswm cyllid y prosiect***

- Rhowch fanylion sut y bydd costau ehangach y prosiect yn cael eu cyllido, a sut y bydd yr arian cyfatebol yn cael ei wario.
- Rhowch amserlen dalu amlinellol yn y daenlen a ddarparwyd (Taflen waith 4 – Amserlen Daliadau_. Os bydd eich prosiect yn llwyddiannus, byddwn yn disgwyl hawliadau o leiaf bob chwarter yn seiliedig ar gerrig milltir ac amserlen eich prosiect.
- Nodwch gyfraniad yr arian cyfatebol oddi wrth y rhiant gorff / corff llywodraethu, a nodwch a yw hyn wedi'i sicrhau neu a yw'n amodol o hyd.
- Nodwch unrhyw gyfraniad mewn nwyddau oddi wrth y rhiant gorff / corff llywodraethu. Gallai hyn gynnwys unrhyw orbenion ychwanegol sy'n gysylltiedig yn benodol â'r gwaith o gyflawni'r prosiect. Efallai bydd y cyngor yn y ddogfen hon yn ddefnyddiol, yn enwedig tudalen 5 - [Gwerth-Economaidd-Gwirfoddolwyr.pdf \(thirdsectorsupport.wales\)](#).
- Nodwch y ffynonellau cyllid eraill ar gyfer y cynnig hwn, a nodwch a yw pob ffynhonnell cyllid eisoes wedi'i sicrhau neu a yw'n amodol o hyd.
- Nodwch oblygiadau ariannol unrhyw ddiffyg yn y cyllid o ffynonellau eraill. A ellir bwrw ymlaen â'r prosiect o hyd?
- Nodwch y grant lleiaf sydd ei angen oddi wrth yr Is-adran Diwylliant a Chwaraeon er mwyn bwrw ymlaen â'r prosiect.
- Amlinellwch unrhyw gyllid blaenorol a dderbyniwyd gan Lywodraeth Cymru neu geisiadau sydd ar y gweill ar hyn o bryd, sy'n berthnasol

i'r prosiect hwn

- **Esboniwch sut y byddwch yn delio â chynnydd mewn costau ac oedi os byddant yn codi. Amlinellwch pa weithgareddau yn y cais na fydddech yn parhau â nhw, neu sut y bydddech yn dod o hyd i gyllid pellach i'ch galluogi i gwblhau'r prosiect cyfan.**
- ***Y broses ar gyfer prynu nwyddau a gwasanaethau***
 - Nodwch brosesau pwrcasu / caffael eich corff ar gyfer cael nwyddau a gwasanaethau. Disgwyliwn i gyrff allu darparu tystiolaeth o arfer da wrth sicrhau bod y broses dendro'n gystadleuol. Dyma'r trothwyon ar gyfer cael dyfynbrisiau:

Gwerth terfynol y nwyddau neu wasanaethau a brynir (heb gynnwys TAW)	Arfer da o ran tendro cystadleuol
£0 - £4,999	Un dyfynbris ysgrifenedig
£5,000 – £24,999	Tri dyfynbris ysgrifenedig
£25,000 ac uwch	Cystadleuaeth lawn ac agored

Amgaewch gopïau o ddogfennau perthnasol fel tystiolaeth ategol.

Mesur Llwyddiant (3.6) (500 o eiriau ar y mwyaf)

Mae angen ichi roi esboniad o'r canlynol:

- ***Canlyniadau disgwylidig***
 - Nodwch ganlyniadau disgwylidig y prosiect i bobl, cymunedau a chasgliadau (fel bo'n berthnasol); yn unol â'r dyheadau a nodir yn eich Datganiad o Ddiddordeb, er enghraifft:
 - Sut bydd y prosiect yn gwella ansawdd bywyd a sgiliau preswylwyr, ymwelwyr a'r gymuned yn gyfan?
 - Sut bydd yn ehangu mynediad i gasgliadau a gwasanaethau?
 - Sut bydd yn hybu deilliannau dysgu, gan gynnwys dysgu gydol oes anffurfiol a ffurfiol, i grwpiau ac unigolion?
 - Sut bydd yn gwella'r ffordd y rheolir casgliadau neu'n sicrhau y bodlonir gofynion cadwraeth?
 - Sut bydd y prosiect yn datblygu eich gwasanaeth a'ch staff?
- ***Monitro a gwerthuso***
 - Rhwng fanylion y ffordd y byddwch yn monitro, mesur a gwerthuso

effaith feintiol ac ansoddol y canlyniadau sy'n gysylltiedig â'ch prosiect fel y nodir uchod.

- Rhowch fanylion sut y byddwch yn rhannu profiadau a gwersi a ddysgwyd gyda'r sector ehangach.

- ***Dangosyddion perfformiad***

- Rhowch hyd at 3 dangosydd perfformiad CAMPUS sy'n mesur llwyddiant eich prosiect, yn unol â chanlyniadau disgwylidig y prosiect.
- Dylai dangosydd CAMPUS fod yn un Cyraeddadwy, Amserol, Mesuradwy, Penodol, Uchelgeisiol a Synhwyrol.

Rhoddir rhai enghreifftiau o wahanol fathau o ddangosydd perfformiad CAMPUS isod. Dylid teilwra dangosyddion eich prosiect chi i roi sylw i ganlyniadau disgwylidig y prosiect:

- Cynnwys ar-lein, digwyddiadau ac arddangosiadau Rhaglen XX (neu Gasglu XX o wrthrychau/cofnodion) sy'n uniongyrchol gysylltiedig â chymunedau amrywiol mewn X blwyddyn yn dilyn diwedd y prosiect.
- Cynyddu teimladau o les ymhlith cyfranogwyr y prosiect o XX% ar ddechrau'r prosiect i XX% ar ddiwedd [Pecyn Cymorth Mesurau Lles Amgueddfeydd UCL](#)
- Cynyddu'r defnydd o [yr amgueddfa / archif / llyfrgell] o x i y] yn y flwyddyn gyntaf ar ôl cwblhau'r prosiect. Y dyddiad cwblhau a ragwelir yw [dyddiad].
- Recriwtio a hyfforddi [x] o wirfoddolwyr ychwanegol i gefnogi gwaith [y gwasanaeth] yn y flwyddyn gyntaf ar ôl cwblhau'r prosiect. Y dyddiad cwblhau a ragwelir yw [dyddiad] - y nifer o wirfoddolwyr ar hyn o bryd yw [x].
- Safonau gofalu am gasgliadau treftadaeth ar ôl cwblhau'r prosiect wedi gwella, Caiff casgliadau treftadaeth eu storio as/neu eu dangos o dan amodau diogel a sicr sy'n cydymffurfio gymaint ag y medrir â BS EN 16893:2018.
- Bydd casgliadau'n yn cael eu storio o dan amodau sy'n bodloni'r safonau a argymhellir ar gyfer amodau amgylcheddol [*Ar gyfer casgliadau amgueddfeydd, derbynnir yn gyffredinol bod amodau priodol yn golygu 15-25°C gyda goddefiant o +/-1°C a lleithder cymharol o rhwng 45-60% gyda goddefiant o +/-5% dros unrhyw gyfnod penodol o 24 awr.*]
- Nodir yr amodau ar gyfer casgliadau llyfrgelloedd ac archifdai yn BS4917: 2017

- Dylid darparu tystiolaeth o welliant yn yr amodau amgylcheddol trwy gymharu data amgylcheddol o'r cyfnod cyn cwblhau'r prosiect a'r cyfnod ar ôl ei gwblhau.
- Lleihau ôl troed carbon y sefydliad o XX cyn i'r prosiect ddechrau i XX ar ddiwedd y prosiect.

Lle bo'n berthnasol, amgaewch gopïau o ddogfennau perthnasol fel tystiolaeth ategol.

Cynaliadwyedd Hirdymor (3.7) (500 o eiriau ar y mwyaf)

Mae angen ichi roi esboniad o'r canlynol:

- ***Cynaliadwyedd y gwasanaeth***
 - Esboniwch sut y bydd y prosiect yn cyfrannu at gynaliadwyedd a chydnerthedd y gwasanaeth.
- ***Datblygiadau yn y dyfodol***
 - Esboniwch sut y bydd cyflawniadau'r prosiect yn cael eu cynnal a'u datblygu yn y tymor hirach.
 - Eglurwch sut y byddwch yn talu am unrhyw gostau refeniw ychwanegol sy'n deillio o'r prosiect.
 - Rhwch fanylion y ffordd yr ydych yn bwriadu hyrwyddo'r gwasanaeth ar ôl i'r gwelliannau gael eu cwblhau.

Lle bo'n berthnasol, amgaewch gopïau o ddogfennau perthnasol fel tystiolaeth ategol.

5. Gofynion Prosiectau Llwyddiannus

Fel gofyniad lleiaf, bydd prosiectau a ariennir yn darparu diweddariadau ar eu cynnydd bob chwarter trwy gwblhau a chyflwyno templed. Bydd y templed hwn yn cael ei ddarparu i brosiectau llwyddiannus yn ystod y cam dyfarnu ac yn cyd-fynd ag amserlen hawlio y cytunwyd arni.

Bydd angen cyflwyno adroddiadau cynnydd chwarterol ynghyd â dadansoddiad ariannol a chofrestr risg wedi'i diweddarau.

Bydd angen cytuno'n ysgrifenedig ar unrhyw newidiadau arfaethedig i'r costau neu'r cyflawni a gytunwyd ar gyfer y prosiect, cyn iddynt gael eu gweithredu

Gall methu â chwblhau a chyflwyno'r adroddiadau cynnydd mewn amser neu gyflwyno hawliadau yn unol â'r amserlen y cytunwyd arni, yn arwain at wrthod taliadau a/neu arian yn cael ei dynnu i ffwrdd.

6. Lle alla i gael cymorth?

Os oes angen i chi drafod unrhyw elfen o'ch cais, cysylltwch â'r cynghorydd sector perthnasol yn yr Is-adran Ddiwylliant gan ddefnyddio'r manylion isod:

Ebost: diwylliant@llyw.cymru

Ffôn: 0300 062 2112